

道世間言雖然天下本無事不奈世間長有賢自問此身何所用此身唯稱老林泉

自在吟

心不過一寸兩手何拘拘身不過數尺兩足何區區何人不飲酒何人不讀書奈何天地間自在獨堯夫

心安吟

心安身自安身安室自寬心與身俱安何事能相干誰謂一身小其安若泰山誰謂一室小寬如天地間

爲善吟

人之爲善事善事義當爲金石猶能動鬼神其可欺事須安義

道藏輯要

擊壤集

三

四星集七

命言必道肝脾莫問身之外人知與不知

偶得吟

日爲萬象精人爲萬物靈萬象與萬物由天然後生言由人而信月由日而明由人與由日何嘗不太平

男子吟

欲作一男子須了四般事財能使人貪色能使人嗜名能使人矜勢能使人倚四患旣都去豈在塵埃裏

待物吟

待物莫如誠誠眞天下行物情無遠近天道自分明義理須宜顧才能不用矜世間閑緣飾到了是虛名